



FYLKESMANNEN
I ROGALAND

Dykkar ref.:

Vår dato: 02.01.2013
Vår ref.: 2012/10859
Arkivnr.: 433.0

Jone Hagalid
Hagalid
4130 HJELMELAND

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00
F: 51 56 88 11
E: fmropost@fylkesmannen.no

www.fylkesmannen.no/rogaland

Løyve til utsetting av utanlandske treslag til juletreproduksjon

Syner til søknad, mottatt 02.11.2012. Du søker om løyve til planting av utanlandske tre til juletreproduksjon på din og Hanne Sundby sin eigedom gnr 57/1 på Hagalid i Hjelmeland kommune.

Heimel

Utsetting av utanlandske treslag krev godkjenning frå fylkemannen i samsvar med *forskrift om utsetting av utanlandske treslag til skogbruksformål (25.05.2012 nr 460, jf naturmangfaldlova kap IV.*

Søknaden

Du søker om utplanting av til saman 12 000 tre på til saman 18 daa. Arealet går fram på kart vedlagt søknaden som felt F. Aktuelle treslag er anten fjelledelgran *Abies lasiocarpa*, eller normannaedelgran *Abies normanniana*. Punkta 20 og 21 i søknadsskjema er ikkje utfylte.

Fylkesmannen si vurdering

Føremålet med forskrifta er å hindre at planting av utanlandske treslag ikkje gjev uheldige konsekvensar for naturmangfaldet. Det er sentralt å sikre at forvaltingsmåla for naturtypar og artar ikkje blir truga av dei framande artane, direkte eller indirekte, jf naturmangfaldlova §§4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8 – 12.

§8 sett krav om at vedtak bygger på kjend kunnskap. Normannaedelgran er ikkje vurdert av Artsdatabanken som ein art med kjend risiko for naturleg spreiding eller følgjeffekter i norsk natur (Norsk svarteliste 2012). Fjelledelgran er oppført som "lav risiko". Det er ikkje verna område, truga naturtypar eller kjende artar i nærleiken som kan bli uheldig påverka av tilplantinga. Plantefelta legg beslag på noko areal, men dei har vore nytta til juletreproduksjon fram til no.

Ut frå føre-var-prinsippet (§9) er det likevel viktig å sikre seg mot at plantefelt kjem ut av kontroll, til dømes ved at trea ikkje når alder for frøspreiing. Rutinar for internkontroll må innarbeidast i verksemda.

Påverking av økosystemet skal vurderast ut frå samla belastning som økosystemet er eller blir utsett for (§10). I dette høvet kan vi ikkje sjå at tiltaket legg beslag på eller er vesentleg trugsmål mot stedeigne naturkvalitetar.

§11 adresserar ansvaret for eventuelle skader på naturmiljøet til tiltakshavaren. Kostnadar ved å bøta på eventuelle skader eller førebygge skader skal dekkast av tiltakshavar, så langt dei er innafor rimelege grenser.

Driftsmetodar og teknikkar skal i utgangspunktet ta best mogleg omsyn til naturmiljøet, slik at resultatet gjev dei beste samfunnsmessige resultata (§12). Vi har ikkje spesielle merknadar til dette i denne saka.

Vi kan ikkje sjå at planting av desse treslaga vil vere til vesentleg skade for naturmangfaldet. Det aktuelle arealet er allereie beslaglagt, og dei utanlandske treslaga har ikkje stor risiko på svartelista. Det er likevel viktig å sikre seg mot eventuell frøsetting.

Det går ikkje fram av søknaden korleis du har tenkt å hindre spreiding frå dei utsette treslaga (pkt. 21). Det er viktig å dokumentere rutinar for å hindre spreiding, og kven som har ansvar for å sikre hogst før frøsetting. Det er og viktig at dette dokumentet blir gjort kjend og overført samtidig som eventuelt eigarskifte til ny eigar.

Vi føreset at punkt 21 blir utfylt ved ein seinare søknad. Punkt 20 skal og fyllast ut. Samtidig gjer vi merksam på at vi kan gje løyve til fleire utsettingar av juletre og pyntegrønt i nærare bestemte areal for ein periode over fleire år, jf forskrifta §7.

Vedtak og vilkår

Fylkesmannen gjev med dette løyve til utsetting av normannaedelgran og fjelledelgran på 18 daa, avmerka på kart vedlagt søknaden. Området er på Hagalid i Hjelmeland kommune. Løyvet gjeld for 2013.

Det blir sett som vilkår at alle trær som er omfatta av vedtaket skal fellast innan 15 år. Eigaren av arealet er ansvarleg for felling. Vilkåret for dette løyvet skal gjerast kjend for ny eigar ved eventuelt eigarskifte.

Med helsing

Per Kristian Austbø
ass. fylkesmiljøvernssjef

Anders T. Braa
viltforvalter

Dokumentet er godkjent elektronisk av Fylkesmannen i Rogaland og krev derfor ikkje signatur.

Saksbehandlar: Anders T. Braa
Saksbehandlar telefon: 51 56 89 14
E-post: anders.braa@fmro.no